



Jesucristu nga tobi lucha  
ni zanda gulá binni

Ne zapa be ti badu huiini ne cuee lá lu laa Jesús, purti laa zulá  
ca xpinni de irá ni huachee ca'. Mateo 1:21

Purti nadxii Dios binni guidxilayú ngue runi bidii tobi lucha Xiiñi'  
ti irá cani guni cre laa cadí inítilú sínúque gapa enda nabani ni  
qué zaluxe. Juan 3:16

Para na Jesús rabi laabe: —Naa nga neza ca, ne naa nga ni  
dxandí' ne rudíee enda nabani. Iruti zanda gueeda ra nuu  
Bixhoze pa cadí pur naa. Juan 14:6

Ne iruti zanda ulá laanu, purti iruti ru stobi ndaani guidxilayú ni ma bidii Dios binni guidxilayú para ulá laanu. Hechos 4:12

Purti nirudó' bisiide laatu ni ma gucuaa': guti Cristu pur ca pecadu stinu, casi cá lu Xqui'chi Dios. Ne bicaachicabe laabe, ne biásabe lu guionna gubidxa casi cá lu Xqui'chi Dios:

1 Corintios 15:3-4

Pur enda nacha'hui' stibe, pur rini stibe ma' bilá laanu, ne ma' bitiidilá'dxibe ca pecadu stinu. Efesios 1:7

Nuu tapa cosa ni dxandí' ni naquiiñe' guiénenu chaahuinu:

## 1. Nabé nadxii Dios lii.

Laabe racalá'dxibe gápalu' enda nabani ni qué zaluxe guibá'.

Purti nadxii Dios binni guidxilayú ngue runi bidii tobi lucha Xiiñi' ti irá  
cani guni cre laa cadi initilú sínuque gapa enda nabani ni qué zaluxe.

Juan 3:16

Racalá'dxibe gápalu' ti guendanabani ni napa stale cosa ne ni napa  
sentidu ra nuube.

Reeda gubaana para cuana, para guuti ne para gunitilú. Naa zeda gapa  
cabe enda nabani ne gapa cabe ni jma. Juan 10:10

Neca zacá, stale binni qué gapa ti guendanabani ni napa sentidu ne qué ganna pa zapa guendanabani ni qué zaluxe purti'...

## **2. Pur naturaleza sti' binni ruchee. Ma' bixélebe de Dios.**

Guirá' binni ma' bichee.

Purti irá binni ma bichee, ne qué zanda gusihuinni enda nandxó' sti Dios. Romanos 3:23

Purti' enda ranaxhii sti' bidxichi nga xcu guirá' cosa malu...

1 Timoteo 6:10

Ni riaxa pecadu nga guendaguti.

Purti ni riaxa pecadu nga guendaguti... Romanos 6:23

Biblia cusiene chupa clase guendaguti:

- Guendaguti sti' cuerpu

Ne casi maca gudixhe Dios gati binni ti tiru si, ne después gueeda juicio sti' Dios, Hebreos 9:27

- Guendaguti espiritual o guixele' de Dios sin qué chu' dxi guiluxe ndaani' infiernu

Peru cani ridxibi ne cani qué runi cre, cani runi yuudxu', cani ruuti binni, cani ridxaa xheela', cani runi brujería, ne cani runi adorar bidó', ne cani rusiguii, ziaana cabe ndaani lago ra caya'qui bele ne azufre. Apocalipsis 21:8

Pa guixele' binni de Dios pur pecadu sti' la? Stale biaje riní' íquenu ca solución ca nga: religión, dxiiña' galán ne guendanacha'hui'.

Peru ti solución si nuu ni zeeda de Dios.

### **3. Jesucristu si nga neza.**

Nga nga ni guní' Dios.

Para na Jesús rabi laabe: —Naa nga neza ca, ne naa nga ni dxandí' ne rudiee enda nabani. Iruti zanda gueeda ra nuu Bixhoze pa cadí pur naa. Juan 14:6

Biquixe be idubi naca castigu stinu pur ca pecadu stinu.

Purti ti biaje si guti Cristu pur ca pecadu stinu, ti binni nacha'hui' pur ca binni ni qué runi ni jneza, para chiné laanu ra nuu Dios, ne guti' cuerpu sti', peru bidii espíritu laa guendanabani: 1 Pedro 3:18

Pur enda nacha'hui' stibe, pur rini stibe ma' bilá laanu, ne ma' bitiidilá'dxibe ca pecadu stinu. Efesios 1:7

Ma bidii stiidxa be zudii be enda nabani ni qué zaluxe.

Zapa enda nabani ni qué zaluxe, peru ni qué guni cre Xiiñi be que zapa enda nabani ni qué zaluxe. qué rusaana de gaca xiana sti' Dios luguiá'.

Juan 3:36

Purti ni riaxa pecadu nga guendaguti; ni rudii Dios laanu nga enda nabani ni qué zaluxe pur Jesucristu Señor stinu. Romanos 6:23



#### 4. Naquiiñe' guni crenu Jesucristu para guilanu.

Bilá nu pur enda nacha'hui sti Dios ra runi cre nu Jesucristu.  
Purti pur enda nacha'hui sti Dios nga bilá tu ra bini cre tu. cadi  
de laatu ni, sínuque Dios bidii ni laatu, ne cadi pur ni runi tu, ti  
cadi chu' tu udxiiiba laca laa. Efesios 2:8-9

Purti tutiica iní' né lá Señor la? Romanos 10:13

## Oración sti' pecador

Bi'ni' orar né fe:

Señor Jesús, nabé rudiee' xquíxepe' lii pur nadxiilu' naa. Rune' confesar naca' ti pecador ne rinaba' lii guni perdonarlu' naa.

Nabé rudiee' xquíxepe' lii purti' gútilu' lu yaga, bicaachilulu' ne biasalu' para quixelu' guirá' ca pecadu stinne'. Rune' cré lii nga Señor ne Salvador stinne'. Rune' aceptar regalu stilu' de guendanabani ni qué zaluxe ne rudiee' xquendanabane' lii.

Gucané naa gune' guirá' ca mandamientu stilu' ne chuulá'dxilu' naa. Amén.

Pa ma' gúpalu' confianza Jesucristu, ma' bizaacalu' ca cosa ri':

- Yanna, ma' nápalu' guendanabani ni qué zaluxe ra nuu Dios. Ne ndi nga ni racala'dxi be: irá tu gu'ya Xiiñe' ne guni cre naa, gapa enda nabani ni qué zaluxe, ne zandisa laaca dxi iluxe guidxilayú. Juan 6:40

- Ma' bi'ni' pagarcabe guirá' ca pecadu stilu' ne ma' guca perdonar cani.

(ni gudi'di', ni nuu yanna, ni chigaca)

Peru laabe gudíxhebe ti ofrenda si para guixéleno de ca pecadu stinu, ne guribe ladu derechu sti' Dios. Hebreos 10:12

- Lii nga ti binni nacubi nezalú Dios. Laani nga ra ruzulú xquendanabánilu' cubi. Nga runi pa nuu tuuxa tobi si né Cristu tobi si la? biiya' ma' nacubi guirá' cosa. 2 Corintios 5:17

- Gucalu' xiiñi' Dios. Peru irá caní bidxaagalú laabe, bidiibe lugar laaca' gácaca' xiiñi' Dios, caní runi cre labe: Juan 1:12

Ca dxiiña' galán ca cadí ti modo di' caní para guilanu, sínuque ti prueba o ti cuananaxhi ni rusihuinni ma' bilánu.

Purti bizá' be laanu, ne bizá' be laanu para guni nu ni jneza, ni maca gudixhe Dios guni nu. Efesios 2:10

Diuxi cu' ndaaya' lii!